

Q. D. B. V.

DE

# REBUS GERADICIS,

VULGO

Gerade Stücken /

INDULTU ILLUSTRIS ICTORUM  
ORDINIS

GODF. LUDOV. MENCKEN, D.

ET

 JOH. FRIEDERICUS SCIPIO,

DISPUTABUNT

H. L. Q. C.

D. VI. FEBRUAR. MDCCX.

---

L I P S I Æ,  
LITERIS IMMANUELIS TITII.

*Handwritten signature: H. D. Menck*

1787

Received of the Honble East India Company  
the sum of Rs 100000

for the purchase of  
the land of the

of the

of the

of the

of the

of the

of the

of the

of the

of the



B. C. D.

I.



Opulo Romano in more positura erat tempore medix Juris Prudentiæ Fœminas ab hæreditate Parentum prorsus excludere, *Hll B. ad Inst. L. 3. T. 2. Id. in Digress. l. 3. c. 6. cum;* quod masculi sint familiæ conservatores. *l. 1. §. 13 ff. d. insp. ventr. & contra fœminæ finis ejusdem. l. 196. §. 1. Et l.*

*195. §. f. ff. d. V. S.* siquidem in alias domos tanquàm colonias exeunt, tum quod masculi publicè magis prosint, fœminæ verò ab omnibus negotiis publicis remota esse jubeantur. *l. 2. pr. ff. d. R. J. conf. BODINUS de Republ. l. 3. n. 534. seq. p. m. 334.* Hoc item movere potuit & priscos Saxones, ut sexum fœmininum jure succedendi in res paternas, & præcipuè immobiles, cujus rei vestigia extant in *Art. 17. Land R. L. 1. j. Weichb. art. 58. & Gloss. lat. ad Art. 27. l. d. inf. L. 1. R.* privarent. *GOLDBECK. Tr. de Jure Gerada c. 1. n. 2. j. c. 3. n. 12. conf. quæ habet EXC. DN. BERGER D. 28. de legit. Mar. tb. 13. præsertim quod*

masculis omnem ferè vitam in militia pro patria & liberis  
 consumendam esse viderent. *Weichbild. art. 5. in pr. ubi  
 gl. in pr. & f.* Et quamvis alii populi dotis loco fœmi-  
 nis aliquid constituerent, quo & procis essent acceptio-  
 res & post obitum Maritorum haberent unde viverent;  
 Saxones tamen in hoc tanto fuerunt rigidiores, quanto  
 magis futuros maritos ad dotem parentibus sponsæ infe-  
 rendam compulerunt. *HEROLD. in Legib. Sax. T. 6. & 7.*  
 imitati procul dubio universalem tunc temporis Germa-  
 norum consuetudinem, qua Viri uxoribus, non uxores  
 viris dotem dare solebant. *TACITUS de Moribus Germ.  
 c. 18.* eaque non exhibita nihil consociatum aut fœdera-  
 tum sponsalia habebant. *ALEX. ab ALEX. l. 4. Genial.  
 dier. c. 8.* Cùm igitur sine dote & hæreditate fœminæ  
 patria exirent domo, *HEIGIUS P. 1. qu. 8. n. 4.* ne pror-  
 sus nudæ ad maritos venirent, sed quædam saltem pro  
 nova familia sua constituenda non secus ac emancipati  
 apud Romanos. *l. ult. C. d. emancip. l. 8. & 9. §. 2. C. d. bon.  
 proscrips. conf. HUBER. Digress. l. 1. c. 4.* à Parentibus  
 acciperent, manu & opera ipsarum parata Utensilia ad si-  
 militudinem novi quasi feudi, ut vult *Resol. Scab. Lips. qu.  
 118. n. 5.* illis tribui placuit. Viri enim bellis perpetuò  
 implicati cum hostibus pro tutandis & dilatandis finibus  
 suis eminus pugnabant, rei verò familiaris cura fœminis  
 unicè incumberebat, imprimis ut lanam & linum tractando,  
 nendo, texendo, neta purgando, acu pingendo, men-  
 sam, lectos, reliqua suppellectilia facerent instructiora,  
 quæ omnia, post mortem, ad solas filias & cognatas,  
 tanquam laboris hujus participes, transmittabantur. *arg.  
 Gloss. in art. 23. Weichbild. verb. Durch ihres Amts wil-  
 len.*

len. HEIGIUS. P. 1. q. 8. n. 68. Inde jus Geradæ, ut opinor, ortum, quod etiamnum, tanquam non sine ratione introductum, FINCKELTHUS. *Obs. Pract. Obs. 81. n. 9.* HENR. GISEBERT. *in Harm. Pract. Peric. sec. Stat. p. 481.* SGMUCK. *in Tr. d. Gerada. P. 1. Concl. 1. lit. b.* viridi observantia sequimur.

II.

Dignum igitur argumentum hoc Dd. Saxonici visum, quod Commentariis suis illustrarent, quos inter Andree Goldbeckii Tractatus posthumus de Jure Geradæ primus sibi locum vindicat. Nihilofecius amplissimus adhuc aliis campus patet, in quo ingenium exercere liceat. Ut enim specialia statuta, quæ Lipsiæ viget, taceam; quæ peculiarem operam omnino merentur etiam circa ea, quæ generaliter de hoc Juris articulo dici possunt, rem penitus scrutanti plurima adhuc se facile offerunt, quæ aliis aut neglecta, aut non satis declarata, nec ad genuina principia reducta, aut secus, ac par erat, definita videri queant. Imo ipsam quæstionem, quid Geradæ accensendum sit? quid minus, tantum abest, ut exactâ atque omnibus numeris absolutâ opera hæctenus evolutum credam, ut potius, cum Dissertationi conscribendæ thema esset eligendum, operæ pretium me facturum speraverim, si DE REBUS GERADICIS von Geradestüden/ theses quasdam concinnarem, quibus, quantum poterò, dilucide ac distinctè proponam, quænam res propriè ad illam bonorum speciem, quam Geradam Saxones vocant, referri debeant, quæque requirantur, ut, reliquæ hereditariæ velut exemptæ, jure singulari Geradæ censeri possint. Transitus ad  
Thema.

ponam verò tantisper ipsum illud jus singulare, quod circa res, quas ad Geradam pertinere ostenditur, cum aliàs, tum maximè quoad successionem, obtinet, & ex illa qualitate, de qua nunc ero sollicitus, fluit. Idem in alia forte occasione uberius deducam; nunc verò non attingam, nisi quatenus, illustrationis aut discriminis rerum geradicarum & hereditiarum, velut à posteriori, ostendendi gratià ad illud provocare causamque ex effectu declarare vel probare cogar. A Te interim L. B. æquissimam mei laboris censuram exopto.

## III.

Initium à Geradæ appellatione faciam, rationem rediturus, quamobrem vernaculam retinere maluerim, quàm adoptare aliquod è Latinis vocabulis, quorum varia occurrebant. Hanc enim bonorum speciem præcis Romanis penitus ignotam, aliquot, post Justiniani juris compilationem, seculis demum invenère Saxones. Cum igitur Doctores, quibus nomen Juris Romani Geradæ tribuendum videbatur, proprio haud invento, eligere cogentur, quod cuique maximè æquum credebatur; non potuit non diversa appellatio diversis placere. Hinc venit nonnullis GERADA nomine SUPELLECTILIS ut *Gl. Wb. art. 23. in pr. WESEN B. Tit. ff. quod quisque jur. n. 3. Tit. de Jure dot. in fin. Tit. de Supellect. n. 4. aut SUPELLECTILIUM. COLER. de Proc. Exec. P. 1. c. 3. n. 265. sqq. UTENSILIUM aliis in art. 5. & 24. Land R. l. 1. j. SCHNEIDEW. ad Inst. d. Success. J. Sax. int. mar. & ux. L. 3. T. 1. COLER. P. 1. Dec. 43. n. 3. j. Dec. 60. n. 24. aliis JOCALIORUM GOLDBECK. de Gerada in Proem. n. 6. HUBER. ad*

π. 1.

Varie appellationes ad-  
austæ.

*π. l. 34. t. 2. pos. 4.* quæ omnia improprie dicuntur. Nam Reiectisque  
vocalibus  
Latinis. Voculæ istæ, Romanis Legislatõribus ac Juris Civilis Interpretibus usitatæ, sensu ac intellectu diverso prolatae sunt & ad novas rerum voces; quarum qualitatem non agnoscunt; vix satis commodè applicantur. *a. l. 7. §. 1. ff. d. suppell. leg.* adeòque ad Geradam, quæ priscis Romanis ne quidem in mentem venire potuit, consilio parum felici traductæ videntur. Nimirum *Suppelles* erat domesticum Patris familias instrumentum, cui neque argentum aurumve factum. *l. 1. §. 3. ff. d. suppell. legat. SCHILT. ad π. Ex. 39. §. 94.* neque vestes. *l. 10. ff. eod. & ea quæ deliciarum magis, quàm usus, causa parantur. l. 11. ff. d. suppellect. leg.* annumerabantur. Gerada contra non Patris familias, sed sequioris sexus, instrumentum est, neque aurum & argentum vestesve respuit, cum hæc potissima ejus pars non rarò deprehendantur. *Utensilia* non tantum Utensilium. suppellectilia, verum etiam esculenta, complectuntur. *l. 12. §. 28. ff. d. instruct. vel instrum. legat.* at esculenta ad Geradam non referuntur. *Focalia* ornamenta muliebria sunt, Jocaliorum. quibus uxor cultior & elegantior incedit. *GAILL. l. 2. Obs. 91. n. 2.* Verum nec his solis nostra constat Gerada. Denique *Glossa ad c. 23. Weichb. in fin.* Geradam appellat *Paraphernale*, sed iterum valdè improprie: *Paraphernalium* enim nomine venit, quicquid uxor, præter dotem, marito intulit. *l. 8. C. d. pact. conv.* Gerada verò certas saltem res, sive illatæ, sive à marito, aut munere nuptiali, acceptæ fuerint, complectitur. *CARPZ. P. 3. C. 22. d. 4. MOLLER. semestr. l. 2. c. 42. n. 2.* Citra injuriam igitur, uti vocabulum *Morgengabe*, ita & *Gerada* retinemus. Retentum nomen Geradæ. *conf. spec. Sax. l. 3. art. 15. DU FRESNE in Gloss. ad Script. med.*

*med. & infim. Latino vocabulo Gerada p. 114.* cum appellationes rerum, maximè noviter inventarum detectarumque, à Romanis emendicare non constringamur. *a. l. 9. ff. d. 7. & 7. j. BARTOL. ad b. l.* unde & vernaculo Geradæ nomine contenti; res ad eam pertinentes *Geradiles* aut *Geradicas* dicere convenientissimum credemus.

IV.

Divisio rerum  
huc pertinentium.

GERADA igitur, à *Gerâthe*/appellata *Glin pr. Weichbild art. 23. BEUST. d. matrim. c. 17.* aut à *Gerade. GOLDB. d. Gerad. c. 1. n. 2.* est *universitas certarum rerum huc pertinentium.* Verùm quid sit, patebit, cum docuerimus, quid res sint, quæ ad eam referuntur. Illas *geradicas*, an *geradiles*, vocemus perinde foret, nisi perspicuitatis studium, quod meritò sequimur, discrimen ponere juberet. Scilicèt, ut Geradæ aliquid accenseatur, duo requiruntur 1.) ut è specierum, quas mores huc retulere, numero sit, quia aliàs res hæreditaria manet, etsi reliqua Geradæ requisita rectè se habent. *CARPZ. P. 2. C. 14 d. 29. n. 3.* 2.) ut rite ad fœminas pertineat, neque enim quicquid aptum natum est ad locum in gerada obtinendum, etiam ilicò reapse eo pertinet. Itaque cum statuta aut Dd. rem aliquam Geradæ generaliter annumerant, speciem suâ naturâ eò referri posse docent, non id agunt, ut, si alterum requisitum deficiat, illam hæreditati exemptam tradant. Atque ad eò eadem res, cum ipsum corpus consideramus, ad geradam, cum possessorem intuemur, ad hæreditatem spectare potest. Quod ne obscuritatem pariat, licebit, ad evitandam confusionem conceptuum, quos



quos distinctissimos esse oportet, doctrinæ gratia res geradiles à Geradicis discernere. Eas igitur, quatenus in se consideratæ, actu primo ad Geradam spectant; seposito tantisper respectu ejus, ad quem pertinent, jurisque quod illi circa eas competit, GERADILES appellabimus; GERADICAS verò eas tantum dicemus, in quibus super & reliquæ circumstantiæ ita concurrunt, ut actu secundo geradam revera constituent.

## V.

Itaque Geradilia appello res, quas usus cujusque loci ad catalogum Gerada resultat, conf. CARPZ. Dec. 23. n. 13. quisquis tandem, aut quocunque titulo, eas possideat. Res inquam, neque enim corporum appellatio placet, quam MODESTINUS PIST. l. 1. q. 19. n. 2. GOLDBECK. c. 1. n. 9. aliique in definiendo adhibent, quo jure, ipsi viderint. Nobis & Actiones, utpote rei, ad quam competunt, naturam sequentes, & Jura ad geradam, tanquam universitatem, referuntur, quod infra §. 18. seqq. pluribus ostendemus. Itaque convenientius visum Rerum vocabulum, quo præter corporalia etiam incorporalia significantur. pr. l. d. reb. corp. & incorp. l. 1. §. 1. ff. d. rer. div. HUB. ad Inst. L. 2. T. 2. p. 2. Id. Digr. l. 4. c. 17.

## VI.

Utraque, nisi nexu feudali à Domino recognita aut simili Juris Vinculo obnoxia fuerint, ad hæreditatem olim pertinere, cui certas res postmodum exemit Geradæ introductio. Hæc igitur cum & facti sit, & jus correctorium contineat, adeoque ad non cogitata extendi haud debeat, manifestum est, rem potius hæreditariam, quàm geradilem, in dubio præsumi, hincque qualitatis hujus

probationem affirmanti incumbere, quò facit LandR.  
*l. 1. art. 24. was aber über das benannte Ding ist / das*  
*gehört alles zum Erbe.* Unde ergo illam petere liceat,  
 videndum. Ex usuali nimirum ad Catalogum Geradae  
 relatione, quæ sola rem ex hæreditaria geradilem facit.  
 Quid Lipsienses illi annumerent, videri potest in  
*VOLCKMANNO emendato p. 85. seqq.* & quemadmodum  
 res geradiles hinc inde, secundum diversitatem locorum,  
 variant, ve ea ostendunt, quæ ex aliquot statutis  
 adducuntur in *Disp. D. WERNHERI de Jure succedendi in rebus expeditoriis & Utens. Tractatus Struviano ad Ant. Matth. d. Success. adjuncta. p. 436. seq.* quæ in LandR.  
*l. 1. a. 24. & Weichb. art. 25.* huc relata inveniuntur, vix  
 ullibi omnia recepta deprehenduntur. Itaque ad cujusvis  
 loci consuetudinem unice respiciendum, cum certis  
 regulis res geradiles includere omnino impossibile sit.  
 Quanquam enim huc pertinere dicuntur, quæ ornatum  
 mulierum, usuique ipsarum & familiæ inserviunt, *CARPZ. P. 3. C. 30. d. 15. n. 4.* ista tamen, nec omnia, nec sola,  
 huc spectant. Sanè *Oves femella*, potissimum quas maritus  
 nobilis in alio, quàm quod inhabitat, prædio habet, &  
 cum eo locare solet, non minus ac reliqua animalia,  
 prædio potius, quàm rei familiari usum præstant, nihilo  
 tamen secius uxori cum reliqua Gerada cedunt. *LehnR. Gl. c. 56. §. läst aber die Frau. MOLLER. P. 3. C. 38. n. 13. RAUCHB. P. 1. q. 17. n. 18. seqq.* Contra ad illam non  
 referuntur *Sponde hölzerne Betten. CARPZ. P. 2. C. 14. d. 38.* nec *Coclearia* aut *Cantbarus puerpera. Id. ib. def. 42.* aliusve. nec *Qualus Laugen-Korb und Töpffe. d. 47.*  
 nec *Veru* aut *Cucumella Brat Pfanne und Brat Spieß.*

STRUV.

STRUV. *Designation. rer. ad geradam pertinent. p. 402.* nec die Rolfe oder grosse Mandel. *Id. p. 408.* quamquam his omnibus, non minus ac cistis, candelabris reliquisque utensilibus fœminæ utuntur. Ex quibus consequitur, quod diximus, RES GERADILES non alias esse, quam quas ad Geradæ designationem usus retulit.

VII.

Hæ res GERADILES, ut actu Geradæ jure censeantur, (quo casu illas nobis geradicas appellari supra §. 4. indicavimus) quinque requiruntur. Scilicet, ut 1.) <sup>5. requisita.</sup> mobiles 2.) nec aliis quàm propriis usibus destinatæ sint. 3.) ut ad fœminam 4.) jure ad Successorem Geradæ transmissibili 5.) proprietatis aut alio ad acquirendum dominium habili pertineant. De singulis seorsim <sup>Inseparabilias</sup> agendum, si prius inculcavero, ut hæc omnia simul concurrunt, necesse esse. Quodsi enim vel unum deficiat, res nihilominus hæreditaria manebit, utut omnes reliquæ partes, quibus rem Geradicam constitui asserimus, ne minimo quidem vitio laborent. Itaque si verbi causâ, an pannus lineus Seja ad geradam ejus pertineat? quæsiêris: rectè quidem initio *pannum* quemvis *lineum* geradilem esse ex *art. 24. l. 1. Landst.* collegeris, nec malè deinceps, cum illum nullo respectu ad immobilia referri cognoveris, quo jure ad dictam fœminam pertineat, investigaveris. Nihilo tamen secius, licet plenum & illimitatum dominium illi competere intellexeris, egregiè poteris falli, si pannum illum geradæ accensendum esse jam certum satis exploratumque existimas. Quid enim si eum Seja mercatrix negotiationis gratia in taberna habuerit? Nempe ad hæreditatem referendus

erit, quod, cum reliqua rectè se habeant, unum tamen eorum, quæ requisivimus, deficere patet. *CARPZ, P. 2. C. 14. d. 31. j. Gl. in Weichb. art. 23. n. 4. ibi dicitur. & n. 22. vers. Ihr sollt wissen.* Idem ergo de reliquis iudicium esto. Quod probè notandum monemus, antequam ad specialem singulorum requisitorum discussionem descendamus. Tum enim, de uno semper solliciti, cæteris suam integritatem constare ubique supponemus. Ex his ergo apparet, quænam propriè RES GERADICA putanda: Nimirum RES GERADILIS, i.e. usu ad Geradæ referri solita. vid. §. *præc. mobilis, usui proprio destinata, circa quam fœmina ad successorem Geradæ transmissibile dominium aut jus ad illud acquirendum habile competit.*

Definitio.

VIII.

I. Requisitum  
Mobilitas.

Initio igitur, quicquid inter res geradicas locum sibi vindicat, mobile esse dicimus. *HENR. GISEBERTUS in Harm. Pract. Stat. p. 484. n. 37.* In quo magnus Jctorum consensus est, cum vix quisquam paulo accuratiorem Geradæ definitionem tradiderit, quæ mobilium haud faciat mentionem. vid. *FINCKELTHUS. O. 83. n. 3. HART. PIST. O. 190. n. 22.* Scil. supra §. i. inuimus, Geradæ privilegium eo potissimum sine inventum, ut haberent mulieres; quod & Hergewettæ, & non feudaliū modò, sed reliquorum etiam immobiliū, ad solos olim masculos delatorum, jacturam aliquatenus compenset. Itaque cum immobiliū successionem maribus non imminutam, sed confirmatam potius, subtracta fœminis conquerendi occasione, voluerit Legislator, prærogativam, quam illis vicissim tribui placuit, sola mobilia afficere debuisse manifestum est. Quod etiam accidisse colligo ex

Probata ex o.  
si iac.

LandR.

LandR. l. 1. a. 31. ubi & vernaculus textus Geradam conceptis verbis *bona mobilia* appellat, interpretante glossâ: Sie mögen ihren Mannen ihre fahrende Hab nicht geben. Da meinet er die Gerade mit. & Latinus, cum *nulla mobilia, præter utensilia*, vivente marito in proximiorẽ hæredem transmittat, tradit, utensilia, ceu speciem, mobilibus, tanquam genere, comprehendi docet, j. LandR. L. 3. art. 76. HEIG. P. 1. q. 9. n. 67. sq. & ab hoc allegatum JOHANNEM TILIUM de Rebus Gall. l. 2. t. d. filiabus Franc. in princip. 121. qui Francos olim eodem esse jure usos refert, eo & facit P. 3. C. El. 21. in fin. ubi pecuniam uxoris, eâ defunctâ, cum reliquis mobilibus exceptis, quæ ad Geradam pertinent, ad maritum deferri ostenditur. Ut jam GOLDBECKII argumentum c. de rebus quas uxor quasque prox. cogn. n. 5. p. 152. taceam, textus omnes, quibus, quæ Geradæ annumeranda sint, recensentur. vid. LandR. l. 1. art. 24. & 31. Weichb. art. 23. LehnR. 4. 12. non nisi mobilia referre observantis; Hoc ipso vero *corpora se moventia*, quæ aliàs quoque mobilium adpellatione contineri constat l. 1. ff. d. R. V. l. 15. C. d. sacros. Eccl. j. l. 15. §. 2. ff. d. Re Judic. GOLDBECK. c. Tr. c. 1. n. 6. 7. 8. non excludimus. Quod nobilium foeminarum gratiâ addimus, quarum Gerada anseres etiam atque anates, & foemini sexus oves complectitur. Glossa des Lehn-Rechtes. c. 56. verb. auff daß, ihr nun eigentlich wißet. Weichbild. Tit. von Gerade / Morgengabe. fol. 130. CARPZ. P. 2. C. 14. d. 24. GOLDBECK. Tr. de Jure Gerade rubr. de rebus quas uxor. n. 19. p. 56. Ignobilibus enim, ad quas legis Saxonicæ dispositio saltem quoad res mobiles, strictissimo sensu dictas, extensa est, nulla animantia eo

Et a. 11 l. 1.  
LandR.

Comprehendit etiam se moventia.

nomine tribui satis notum. *W E S E N B. P. 6. Consil. 254. n. 1. Consil. 235. n. 54. conf. H A R T. P I S T. l. 1. qu. 3. n. 26. & l. 1. q. 16. n. 23. verb. ut interim omittam.*

IX.

Exclusis im-  
mobilibus.  
Tàm natura.  
Quàm jure.

Diversam ergo *immobilium* esse indolem patet, quæ illa Geradæ accenseri non patitur. Quod saltem de iis, quæ naturâ suâ fixa sunt, veluti rebus fundi, rectè asseri nemo mortalium negaverit. De reliquis, quæ aut terræ ædibus ve ita, ut loco amplius moveri nequeant, juncta, aut perpetuo usui immobilibus præstando actu destinata sunt, justius dubitaretur, nisi utraque immobilium, quibus ea aut hominis factum aut juris intellectus annexuit, naturam & leges sequi constaret. *vid. l. 21. ff. d. instr. vel instrum. l. 17. §. 7. 10. l. 18. ff. d. act. emt. j. Dec. El. 53. HEIG. P. 2. qu. 15. n. 25.* sicut igitur *Lectus expeditorius* adhuc *Hergewetz* inest. *v. inf. §. 17.* licet *Weichbild. a. 23.* lectos omnes indistinctè accenseat Geradæ, quam singularibus *Marium* juribus haud præjudicare ex ejus origine §. *pr. ac.* deduximus: ita quoque ad ea corpora, quæ immobilium jure fruuntur, quamvis aliàs geradica forent, foeminarum privilegium extendi non potest. Nec est, quod quisquam legum civilium placita ad nostrum argumentum frustra applicari regerat. Confitemur enim spontè genuinum controversias geradicas decidendi principium à jure patrio potius, quàm Justiniano, petendum esse, nec negamus, si alia omnia Romana juris prudentia statuisset, sequendos nihilominus esse Saxonum mores, quibus ad Geradam non pertinere immobilia ostendimus. At cum quaeritur, quæ sint immobilia? tacente lege domesticâ jus Civile in subsidium meritò vocamus, eadem profus ratione,

ne, quâ à successione mariti mobiliari, quam pariter contra Justiniani decreta majores nostri introduxerunt, nemine contradicente eximi videmus, quæcunque, silente jure patrio, ad immobilia lex Romana referre jubet. *conf. P. 3. C. El. 25. NICOL. Resolut. 12. n. 219. COLER. P. 2. Dec. 286. BERL. P. 3. Concl. 35.* Quod eo facilius mihi concedendum, quo incautius mores etiam, in manifesta juris utriusque diversitate, *Glossam ad a. 24. l. 2. LandR.* sequuntur, cum ad *Geradam* pertinere negat *linum solo cobarens. GOLDBECK. Tr. d. Jure Gerade cap. 4. n. 67.* quod juxta *l. 44. ff. d. rei vind.* fundi quidem pars esse videtur, at nostro jure mobilibus annumerandum. *P. 3. C. El. 32. LehnR. art. 58.* adeoque quatenus in agro foeminae proprio natum, ob generalitatem textus *Weichb. art. 23.* ad geradam omnino referendum fuisset. *COLER. Decis. 60. n. 31.* Inde ergo elucescit ratio, cur *Geradae* haud accenseantur *Candelabra appensa.* *FINCKELTHUS. Obs. 81. n. 58. Lectique diversiorum. Weichb. art. 23. j. Gl. n. 24.* Illustris *DN. LTNCKER. Consil. 42. n. 30. & 34. CARPZ. P. 2. C. 14. def. 37. BERLICH. P. 2. Concl. 30. n. 24.* quia nimirum immobilibus annumerantur. *v. HEIG. P. 2. qu. 15. n. 25. sqq. FRID. PENSOLD. ad Coler. Dec. 286. n. 289. FINCKELTHUS. Disp. feud. 3. contr. 20. l. c.* His positis sequitur, *Oves ferreas* ad nobilium *Geradam* non magis pertinere, quam reliqua ejus conditionis animalia ad hereditatem foeminae ignobilis mobiliarem, cujus nomine illa nequaquam viduo tribui docet. *NICOL. dict. Resol. 12. n. 203.* Reliqua brevitatibus studio pratermittimus.

Ut candelabris  
appensa.

Lectis diver-  
siorum.

Ovibus fer-  
reis.

X.

Adeo que etiam Aheno muro affixo.

Nisi probetur consuetudo contraria.

Quæ restringitur ad ahenum uxoris proprium.

Unam tamen Conclusionem præterire non decet, quam, adductis contrariis præjudiciis à *CARPZ. P. 2. C. 14. d. 35.* impugnata rectius, quamvis obiter, approbat *GOLDBECK. c. 4. n. 12. l. 4.* scil. *Ahenum* (*Wahrschessel*) tum demum Geradæ accenseri, cum muro affixum haud est. Aliàs partem ædium constituet, adeoque jure immobilium censebitur *a. l. 76. ff. d. contrab. emt. l. 52. §. 7. ff. d. legat. 3. JOHAN. CEPHAL. Consil. 92. n. 26.* nisi specialis consuetudo aut statutum aliud contra Geradici juris analogiam introduxerit. Hæc enim quin juri generali derogare possint, ambigendum non est, forent tamen strictissimæ interpretationis. Adeoque etsi ahenum uxoris proprium moribus geradicum haberetur, id tamen ad aliud mariti ædibus junctum in dubio haud deberet extendi. Nempe infra §. 17. videbimus, rem mariti geradilem ad uxorem pervenire viri liberalitate, quæ ex usus & custodiæ concessionem facta præsumitur. At quia aheni muro coherentis nec custodiam vir conjugi concedere, nec alium, quam qui omnibus ædium conductoribus inquilinisve patet, usum concedere solet; quem si uxori denegandum statueret, id scil. consequeretur, ut cum ratione eum insanire velle forsitan & æqui rerum arbitri suspicarentur. Unde ergo tacitam colliges donationem partis ædium, cujus ne quidem expressa alienatio tolerari deberet? *v. l. 52. ff. d. contrab. emt.* saltem quamdiu de intentione alia substituendi non constat. *Add. III. STRYCK. Caus. Contr. Sect. 1. c. 3. §. 26.* De ea vero à novellis maritis plerumque cogitari si quis referat, ab illo Jovis vigilantis insomnia recenseri credideris. Quodsi tamen mariti quoque ahenum viduz



viduæ tribuat consuetudo, hætenus quidem indubitata, <sup>Et casum morientis mariti.</sup> sed quoad reliquas personas incerta, nihilominus mores normæ communi contrarios ultra Geradam, mortuo demum marito debitam, de qua infr. §. 16. haud proferendos arbitrator. Unde sequitur alienum hoc casu nec Niftelgeradæ inesse, nec, venditis vivo marito ædibus, uxori deberi. Cæterum ædificii dominus præstatione æstimationis, aut alterius aheni æquè boni, semper liberari videtur, cum & aliàs denegata tigni juncti vindicatione <sup>Nec tribute Jus vindicandi.</sup> l. i. ff. d. tigni juncti. in factum saltem actio ad consequendam rei non furtivæ æstimationem competat l. 23. §. 5. ff. d. R. V. l. 63. ff. d. don. int. vir. & ux. TABOR Racem. civil. p. 179. Rac. 6. §. 13. cui argumento æquus judex eò lubentius favebit, quo manifestius iniquum foret fœminæ de lucro captando certantis malitiæ subveniri, si ipsius aheni restitutionem, nullo suo commodo, cum evidenti hæredis, proximi plerumque aut consanguinei aut affinis, damno præfractè urserit.

XI.

Requisitum rei geradicæ etiam esse diximus, ut <sup>Requisitum II. Destinatio ad usum proprium.</sup> proprio usui destinata sit. conf. COLER. P. 2. Dec. 286. n. 168. BERLICH. P. 3. Concl. 30. n. 23. Per proprium vero usum intelligimus eum, cui communiter quævis res applicari, cujusque gratia species fieri solet, qualis lectorum est, ut in iis recumbamus. Nisi specialissimum usum mores præscripserint, quod circa *Caldarium* (Braun-Pfanne) contigisse observant, qui illud, nisi pro mercede extra ædes locetur, ad hæreditatem referunt, non Geradam. vid. HART. PISTOR. L. 1. qu. 32. n. 10. seq. GOLDB. Tr. d. Gerada c. 2. n. 24. BERL. P. 3. Concl. 25. n. 4. seqq.

*CARPZ. P. 2. C. 14. d. 35. n. 4.* Quanquam itaque usus actualis adeò non est necessarius, ut illa quoque Geradæ nomine veniant, quibus mulier nunquam usâ fuit. *P. 3. C. El. 22. CARPZ. P. 2. C. 14. d. 28.* quia tamen ex animo, re tanquam Geradâ utendi, de re ipsâ institui debet iudicium, *Glossa Weichb. a. 28. col. 8.* rectè destinationem, de quâ agimus, requisivisse apparet. Adeoque huc non pertinent, quæcunque aliâ intentione fœmina possidet aut petit, utpote si qua mulier donum nuptiale tertio dandum emerit, aut mercatrix eo fine res geradiles comparaverit, quo eas iterum vendendo quæstum faciat. *Weichb. a. 28. CARPZ. P. 2. C. 14. d. 31.* Interim, cum in dubio id fieri credatur, quod plerumque accidit, animum re ut geradicâ utendi præsumi facilè largior. *Gl. lat. ad art. 38. l. 3. LandR. lit. e. COLER. P. 1. Dec. 60. n. 45.*

*Quisquis ergo contrariam destinationem allegaverit, in cum probandi onus merito devolvitur. Licebit tamen etiam ex circumstantiis fidem iudici facerè, modò illæ certam & actualem fœminæ intentionem prodant, veluti si annulus ab aurifabro publicè in taberna venum exponi consueverit. Quodsi de obligatione, quam alterius liberalitas peperit, disceptetur, inspicienda donantis destinationo, in quam consensisse honoratam credibile est. Itaque, cum mercatrici fato functæ promissæ fuere mapæ aliquot rarioris texturæ, in jus eas petendi non cognata, sed hæredes, succedent, si promissor eam donandi causam allegaverit, quòd illam plures emturam speret, quamprimum eas ad externos, cum quibus ipsa mercaturam exercere solet, delatas carius vendi posse, harum exemplo, didicerit.*

Quæ præsumitur.

Nisi probetur contrarium

Etiã ex animo tertii dantis.

XII.

Æquè necessaria rei geradicæ lex est, *pertinere ad fœ-* Requis. III.  
pertinere ad  
fœminam.  
*minam, SCHMUCK. de Gerada. P. 1. c. 9.* cujus appella-  
 tione etiam *Hermaphroditum*, in quo sexus sequior præva-  
 let, indicari, vix opus est ut moneam. *l. 10. ff. d. stat. hom. conf.*  
*ECKOLT. ad π. l. 1. t. 5. §. 2.* Solus hic Sexus Geradam fa-  
 cit, solus retinet, solus ad alias mulieres transfert. *LandR.*  
*l. 1. a. 27. j. l. 3. art. 15. Glossa in LehnR. art. 56. verb. läst*  
*aber die Frau. FR. PFEILS Cent. XI. Conf. 119. n. 2.* Nec  
 interest unius fœmiuæ res sit propria, an ad plures parti-  
 bus indivisis spectet, modò divisioni locus sit, si à commu-  
 nione recedere placuerit. Aliud enim circa ea obtinet, Excepto Col-  
legio.  
 quæ Collegii nomine possident aut petunt. v. g. circa le-  
 gatas aliave ejusmodi utensilia membris *Gerontocomii mu-*  
*liebris*, voluti denen *Spital-Weibern zu St. Georgen* all-  
 hier. legata, cum Hospitali ea acquirantur. idem de *Sancti-*  
*moniali*, quæ paupertatis se voto alligavit, dicendum. Moniali.  
 Quanquam enim illa non obstante Lege Saxonica in Ge-  
 radam cognatæ succedit, quia tamen quascunque res lu-  
 cratur, etiam geradiles, monasterio illicò acquirit. *a. C. d. X.*  
*de stat. Monach. j. autb. Ingressi C. d. SS. Eccles. ibique GIL-*  
*CKEN. fol. 60. REUSNER. de Test. c. 31. n. 5. Part. 2.*  
*fol. 385.* Geradæ numero esse desinunt, quæcunque ad  
 illam perveniunt.

XIII.

Masculorum respectu Gerada nulla est: *MOLLER. Exclufis ma-  
fœmestr. c. 6. l. 2. n. 2.* sed quicquid illi possident, feudali-  
 um, expeditoriarum & hæreditariarum rerum loco habetur.  
*Glossa LehnR. c. 56. n. 8. verb. und darum nehmen. Gloss.*  
*LandR. l. 1. a. 22. v. So soll die Frau. j. LR. c. l. CO-*

*L. ER. Decif. 243. n. 1. fqq.* quarum jure cenfetur, excepta Gerada, omne illud, quod geradilium aut viventes poffident, aut poft fata relinquunt, *vid. SCHNEIDEW. ad Inf. l. 3. t. 1. n. 55. HART. PISTOR. Obf. 190. n. 23. CARPZ. P. 2. C. 14. d. 27. MOLLER. l. 2. Semeftr. c. 6.* quemadmodum contra res expeditoria, cum primum in foeminae dominium pervenerint, Hergewettae jus amittunt. Quod Clericorum etiam intuitu veriffimum. Licet enim hi matri in Geradam fuccedant. *LandR. l. 1. a. 5. CARPZ. P. 2. C. 14. d. 60.* illa tamen, quam primum ipfis delata fuit, mobilium haereditariorum numero effe incipit. *LandR. l. 1. art. 27. infixe. CARPZ. P. 3. C. 38. def. 39. n. 1.* idem circa ea obtinet, quae aut proxima cognata vir duo de Gerada relinquere tenetur, aut peculiaria ftatuta, poft uxoris fata, viris tribuunt. Haec tamen eodetorqueri nolim, ut mafculus, quem in re feria nugas agere voluiffet haud apparet, de Gerada fua contrahens nihil effeciffet credatur. Neque enim falfa demonftratio aut error in nomine commiffus nocet. *§. 29. 30. 31. I. d. Legat. Conf. de cafu fimili,* ubi foemina Geradae, cujus partem antea diftraxerat, donatae etiam pretium e rebus venditis redactum in designatione annumeraverat. *CARPZ. P. 2. C. 14. d. 13.* Quare cum ea uti interpretatione deceat, ut actus valeat potius quam pereat. *L. 80. ff. d. V. O.* convenientiffimum erit, quae de Gerada fua non adeo accurate mafculus pofuit, de rebus ejus geradilibus, de aliis enim sentire non potuit, intelligere. *HART. PISTOR. Obf. 290. n. 22.* maxime fi addita declaratio mentem loquentis manifefte prodat v. g. fi Clericus univerfam fuam Geradam, prout in eam matri fuccellit, vendiderit. Quo cafu, ut hoc obiter addam, cum

Qui per fuam Geradam res fuas geradiles intellexiffe credendi.

cum, præter lectos à matre acceptos, nullum omnino possidet alium, etiam culcitra militaris deberi videtur, quam alias, simplici totius Geradæ alienatione à viro factà, non comprehendi crediderim. *a. Gl. LehnR. c. 58. j. LandR. L. 1. 4. 2.*

## XIV.

Non sufficit autem rem geradilem ad foemina[m] pertinere, nisi eadem ad proximam cognatam vel eum, cui lex borum bonorum successionem deserit, transmitti queat. Ea enim potissima muliebris privilegii vis est, ut singularem planè succedendi rationem invehat, quà sublatà de Jure Geradæ adeò inutilis quæstio nonnullis visa est, ut fuerint, qui Geradam viventis profus non dari, quamvis erronee, contenderint. *conf. FINCKELTHUS. O. 48. n. 6. MOLLER. P. 2. c. 14. n. 1.*

Itaque cum rem geradilem nurui ea lege socer donavit, ut semper in familia mariti maneret, eadem ad Geradam non amplius pertinebit, quàm quatenus cum illa fideicommissum conventionale conciliari potest. Multò minus Geradæ jure censi possunt, quæcunque feudi naturam assumsere; Ideò feudum foemininum in meris geradilibus constitutum, quale forsitan nec datum unquam fuit, nec dabitur, quanquam ambigendum non est, quin solennitatibus, quæ in Geradæ donatione requiruntur, à foemina feudum i. e. beneficium *I. F. 1. §. 2. 4. I. F. 14 pr.* concedentè, observatis, ejusmodi res, utpote liberissimam inter vivos alienationem ferentes, æquè ac pecunia, de qua *vid. P. 3. C. El. 30.* feudi improprii nomine dari queant. *MATTH. WESENB. Vol. 2. Conf. 79. n. 18. conf. EXC. DN. HORN. in J. F. c. 4. §. 21. sqq.* At non æquè infrequenter res geradiles feudo junguntur, quem-

Requis. IV.  
Transmissi-  
bilitas.

Excluditur er-  
go res fidei  
commissio  
obnoxia.

Et feudalis.

Aut feudo  
juncta.

quemadmodum non ipsas tantum ædes, sed certum simul lectorum aliusque suppellectilis inventarium nominatim nonnunquam per investituram tribui videas. Quo facto, cum feudorum etiam accessiones eorum jure regi constet. *vid. STRUV. S. J. F. C. 6. §. 12.* dubium non est, quin geradæ cesset privilegium. *ROSENTHAL. d. feud. c. 4. Concl. 4. n. ult.* Hoc & ejus introductæ ratio svadet, & posita Vasallo lex, quæ ad feudi successorem reverti jubet, quicquid ipse aut Domini gratia accepit, aut suis etiam impensis feudo inædificavit, *PM. l. 2. a. 21. P. 3. C. El. 31. j. II. f. 28. §. si Vasallus* efflagitat; & quæ situm Domino agnatisque jus, quod intervertere cognatæ vel uxori non licet, manifestè evincit, ut mirum non sit CARPZOVIVM, cum ahenum muro feudali affixum Geradæ nomine viduæ tribueret. *P. 3. C. 31. def. 6.* secum conspirantis aut scriptoris aut judicis sententiam, quam allegaret, nullam invenisse, licet, cum de hæredum allodialium præjudicio agitur, haud pauci cum ipso abiis abeant, quæ supra §. II. tradidimus.

## XV.

Requis. V. Fæminæ vel dominium (vel jus. §. 13.)  
Etiam minus plenum.

Denique Geradæ illa tantum inesse dicimus, quæ *rite ad fæminam pertinent, sive circa quæ illi aut dominium competit, aut aliud jus ad consequendum Dominium habile.* Id verò non illimitatum requiritur, modo jus in re tertio competens aliquando ad proprietatem reversurum sit. Sanè rem pignori suppositam Geradæ numero haud eximi, ex iis patet, quæ de luitione disposuit *LANDM. l. 1. a. 24. in f.* Pariter ademtam pupillæ vel prodigæ administrandi facultatem, aut usumfructum patri maritove competentem, jus Geradæ non mutare quotidianum est. Ex quo

con-

consequitur, & Geradam, cujus ususfructus pactis dotalibus, post uxoris fata, ad tempus vitæ marito validè concessus est, eo defuncto nihilominus ad cognatam redire. Itaque *dominium etiam minus plenum* sufficit, aut quæ proprietatis vicem sustinet. *l. 13. §. 12. ff. d. acqu. vel. am. poss. l. 31. §. 5. l. 44. §. 3. ff. d. usurp. & usucap.* ufucapiendi conditio. *HUBER. ad l. l. 2. §. 6. pos. 14.* Quæ verò alio imbecilliori titulo tenentur, huc non pertinent. Unde meritò excluduntur, quæ mulier in securitatem crediti pignoris jure possidet. *MULLER. ad STRUW. Ex. 30. th. 31. l. 1. n. III. conf. ROSENTHAL. de feudis l. 7. concl. 9. n. 93. p. 641. & Responsum Scab. Lips. apud FINCKELTHUS. Obf. 81.* nec non alia, quorum naturalis saltem possessio s. simplex detentio penes illam est, veluti *utensilia* cum conducto prædio *sub onere inventarii* concessa: item res geradilis, circa quam usum fructum verum habet. Contra ea, in quibus ipsi *quasi-ususfructus* competit, Geradæ potius annumeranda; cum eorum dominium in usufructuarium transierit. *§. 2. I. d. usufr.* & rem in genere saltem, vel quoad æstimationem restitui sufficiat. *a. l. 15. §. 4. ff. d. usufr. j. l. 7. ff. de usufr. ear. rer. qua. usu consum. VOETIUS. Sin Comp. Juris ad n. l. 7. §. 5. n. 1.*

Non jus pignoris.

Ex conductione.

Aut usufructus verus.

## XVI.

Cæterum, quòd ad Geradam referantur, quæ in dominio foeminae sunt, scire parum juvat, nisi simul scias, quid in dominio ejus esse censeatur? Itaque quanquam de modis acquirendi vulgaribus hic disquirere supervacaneum foret: cum tamen uxori corporum mariti geradiliū proprietatis singulari privilegio cedat, id nunc quidem præterire non licet, ne geradica esse negentur, quæ ex juris

Ubi singulare est,

Dominium Geradæ à Marito profectum.

com-

Uxori acquiritur  
etiam.

Ipso jure.

Aut vivente  
marito.

Aut demum  
moriente.

communis principii ad virum quidem pertinere dicerentur, lege tamen Saxonica uxoris sunt. Ergo à viro profectis *Gerade* indolem thori socia conciliat, dum ea sibi contra civilium legum analogiam bifariam acquirit, *ipso jure*, & *ex donatione mariti*. Prior modus nobilium conjugibus proprius animalia ad illarum *Geradam* referri solita spectat, posterior, ipsis cum ignobilibus communis, ad res geradiles reliquas pertinet. Animalium igitur, ut ab iis ordiamur, proprietates ad equestris ordinis nuptam, sine ejus facto, duplici ratione pervenit. Vel *vivo marito*, quod de anseribus & anatibus verum, quæ ratio est, cur etiam Nistel-*Geradæ* insint: *Gl. Lehmann. c. 56. n. 7. j. Weichb. art. 23. §. textus LandR. l. 1. a. 27. LandR. Addit. l. 1. a. 20. v. sic etiam cognata ejus.* vel viro demum *moriente*. Id enim circa oves contingere argumento est, quod illas, nec uxore præmorta, cognata lucratur, *GOLDBECK. de Gerada. c. 2. n. 6. inf. COLER. de Proc. Ex. P. 1. c. 3. n. 273. j. Id. P. 1. Dec. 60. n. 48. 49.* nec pignori capere prohibetur mariti creditor, nec uxor, moto concursu, vindicare, ut suas, potest. *Ord. Proc. Tit. 43. §. und weil hierbey.* Quæ cum ita sint, illas à vivo marito in conjugis præjudicium etiam alienari posse concludit *GOLDBECK. c. 7. m. 1. n. 25. 26. ID. c. 15. n. 90. conf. Glossa in artic. 31. l. 1. LandR. lit. e.*

### XVII.

& donatione  
viri, eamque.

Alterum modum, Juri Romano adversum, quo corpora mariti cujusvis geradilia in scemina, quæ matrimonio ipsi jungitur, dominium transeunt, *donationem viri* diximus. Licet enim ea aliàs, quamdiu morte donantis confirmata non est, inter conjuges effectu careat. *l. 32. §. 1. 2. ff. de don. int. Vir. §. ux. l. 121. §. 2. ff. d. V. O. l. 25.*

C. d.



*C. d. don. int. Vir. & Ux. Nov. 162. c. 1. RITTERSHUS. ad Nov. P. V. c. 12. n. 3* ex muliebri tamen privilegio, apud Saxones, statim subsistit collata in uxorem à marito rerum ad Geradam pertinentium donatio realis. *CARPZ. P. 2. C. 13. d. 21.* vel promissio, *4. N. 162. c. 1.* censente sic *CARPZOVIO. P. 3. C. 30. d. 16.* Imò, nisi præcedentibus pactis dotalibus Geradæ renunciatum fuerit, *v. GOLDB. c. 5. m. 2. n. 11. j. c. 7. m. 1. n. 13.* conf. *MULLER. ad STRUV. Ex. 30. tb. 31. ex concessione custodiæ. P. 3. C. 22. §. wenn aber. verb. gebraucht oder in ihrer Verwahrung gehabt.* *COLE R. d. Proc. Exec. P. 1. c. 3. n. 256. & possessione uxoris legitima. GOLDB. c. 3. n. 20. sqq.* dicta donatio etiam præsumitur, modò donandi potestatem maritus habuerit. Quare cum *lecti expeditorii* donatione conjugis fieri nequeant. *vid. CARPZ. P. 2. C. 13. d. 13.* ad Geradam illi non referuntur, sed proximo agnato à vidua restitui debent. *VandR. L. 1. art. 22.* Atque sic *resp. F. J. L. M. April. 1707.* Et generaliter minus rectè uxori custodienti acquiri ea dixeris, in quibus marito non aliud jus est, quam quòd, ad Geradam constituendam, ne ipsi quidem uxori sufficere diximus. §. 15. Unde nec *privigna Geradam*, impeiratà licet à marito usus custodiæque concessione, noverca lucrabitur, cum earum partium, quæ utendo non consumuntur, v. g. indusii, quo infans baptizandus tegitur, des *Wester-Hembds* / verus ususfructus patri competit, reliquorum autem, quæ usu sensibilibiter atteruntur, excepta pecunia, ne quidem quasi-ususfructus debeatur, ob alienationis prohibitionem. *l. f. C. d. Cur. fur. l. ult. C. d. bon. quæ liber. l. 1. C. d. bon. nat. Confer. CARPZ. P. 2. C. 14. d. ult. & dominium liberis reservatum l. 1. C. d. bon.*

Statim valere.

Ex concessa  
possessione  
rerum, quas  
maritus alie-  
nare potuit.Non ergo Cul-  
citæ milita-  
ris.Aut Geradæ  
filiae.

Nisi contrarium probetur.

*qua liber. l. 15. l. 16. C. d. præd. min. sine decreto. l. 4. C. d. bon. qu. lib. l. 23. ff. d. R. V.* Horum ergo & similium tacita donatio intercessisse non creditur, quam præsumtionem etiam aliàs contraria deficientis in marito donandi, in uxore civiliter possidendi, probatione elidere licebit. Unde nec ad elocandam filiam à patre comparata Geradæ insunt, nec liber muneris natalitii nomine licita donatione *CARPZ. P. 2. C. 13. d. 20.* ab uxore marito oblatus: quem etsi ab illa postmodum & lectum & custoditum fuisse constat, viro tamen, non sibi, foemina servasse videbitur, cum ejusmodi dona ab honorato non accipi, aut à donante recipi moribus injurium habeatur. Cæterum tacitæ, de quâ agimus, donationi, tacita etiam conditio inest, si uxor custodiam continuaverit, nec possessionem conjugii restituerit. Hoc enim casu res ad maritum reversæ ad hæreditatem pertinebunt, *Glossa Weichbild. art. 23. GOLDBECK. de Gerada c. 3. n. 14.* nisi fortè marito nudam detentionem commissam fuisse probari queat. Quod si enim uxor. v. g. ædes aut scrinium mutatura mariti saltem custodiae res geradicas, mox recipiendas, interim commiserit, Geradæ apud ipsum depositæ naturam hoc solo mutatam fuisse nemo dixerit. Quæ de dominio sufficiant. *conf. d. Gl. Weichbild. a. 23. col. 8. GOLDBECK. d. l. n. 20.*

### XVIII.

Vel actio.

Succedit intacta Goldbeckii de *juribus & actionibus* quaestio, an & quatenus illis quoque inter res geradicas locus detur? Indistinctè responderi nequit; sed probè discernendum est, utrum omnia omninò mulieris bona in immobilia & mobilia, istaque iterum in hæreditaria & geradi-

radica dividi necesse sit, nec ne. Posteriori casu jura nec mobilibus bonis nec immobilibus inesse, sed tertiam speciem constitutere expeditum est. *l. 7. §. 4. ff. d. pecul. l. 15. §. 2. ff. d. R. Jud.* Adeoque tum ad hæreditatem illa potius pertinebunt per dicta §. 9. Unde, ut exemplum adjiciamus, Geradæ præsentis emtorem, qui, ultra corpora geradica dominio venditræ comprehensa, jus quoque successionis in cognatæ Geradam eidem delatæ sibi deberi contendit, non putamus audiendum. At, priori casu, cum, in omnium bonorum divisione, *juravel ad immobilia vel mobilia*, eaque aut hæreditaria aut geradica non possumus non referre, veluti cum de familia herciscunda solliciti sumus, generalia legum principia latissimè à *SCHULTES. in Addit. ad MOD. PISTOR. P. 3. qu. 124. n. 17. §§.* deducta sequimur. Cum ergo, qui actionem habet ad rem petendam, ipsam rem habere videatur *l. 15. ff. d. R. J.* illam eodem jure cenferi dicimus, quo ipsa res haberetur, si illam jam consecutus foretis, cui ea debetur. *vid. l. 143. ff. d. V. S. l. 52. ff. d. acqu. rer. dom.* Hinc nec Geradæ indolem respuet, qua, utpote universitate *HART. PIST. O. 190. n. 15.* etiam jura contineri docet. *j. l. 1. ff. d. fund. dot. a. l. 2. ff. d. V. S. l. 62. ff. d. R. J. COLER. P. 1. decis. 51. n. 15. §. 14. & Dec. 286. n. 76. BERLICH. P. 3. Concl. 29. n. 76.* Hocposito sponte jam sequitur, quod innuimus jura, quæ ad consequendum dominium aut usucapiendi conditionem tendunt. v. g. actionem emti, ad Geradam referri debere, non alia jura, quæ minus persequuntur. Itaque debitum corporis geradilis, mortuæ promissi, geradicum est, jusque rem petendi, exclusis hæredibus, cognatæ cedit, ceu judicatum *ap. CARPZ. P. 3. C. 30. d. 16. & in eandem*

In casu quo ea  
necessario

Ad mobilia  
refertur.

Ad acquirendum  
dominium.

Geradæ delatæ successio, licet eam defuncta nondum agnoverit, transmittitur, ut pluribus ostendit *MOD. PISTOR. P. 4. qu. 131. ibique SCHULTES. Addit. n. 219. sqq.* Contra verò, ut, quæ supra § 15. dicta sunt, huc accommodemus, & conductorum utensilium usus debiti petitio, & ususfructus eorum etiam hæredibus concessi, adeoque defuncta quoque usufructuaria durantis, vindicatio, decedente foemina, ad hæredes ejus, non cognatum pervenit.

## .XIX.:

Limitatio I.

In debito accessorio, quod an

Hæreditarium,

Stat ergo sententia, ad constitutionem rei Geradicæ jus sufficere, quo mediante dominium acquirere licet. Quod, annon de principali, puro & simplici debito tantum intelligi debeat, ulterius videndum. Fac ergo, circa Masculi hæreditatem foeminæ delatam, inter ejusdem hæredes & cognatam oriri controversiam, utrum res geradiles, illa hæreditate comprehensas, ad Geradam defunctæ referre liceat? Ancipitem litem moves. Nam pro hærede facit, quod res illæ non singulari titulo defunctæ debeantur, sed aliò, & propter necessitatem creditoribus satisfaciendi, (quæ etiam successuram cognatam difficillimo titulo pro ratâ gravatura esset) oneroso & universali; nempe hæreditatis, in quam hæredes ipsi, non cognatam, succedere manifestum est. Itaque eidem, quod in toto obtinet, juri etiam in parte locus dandus videtur. *l. 76. ff. d. R. P. j. l. 1. §. 1. ff. si pars hered. pet.* maxime cum defuncta masculum, cujus hæres erat, præmortuum re-

tura fuisset. Quid enim, si subsecuta divisione, quam, admittam cognatam, litibus plenissimam reddemus, aliis ejusdem pretii mobilibus foeminae addictis, cohæredi eas tribuere, vel, ad vitandas de inæqualitate lites, easdem communi nomine vendere, pretiumque partiri placuisset? Quæ omnia cum à defuncta fieri potuerint, hæredibus ejus, ad quos idem familiae hereditatis jus, quod illi competebar, pertinet, iniquum videretur non licere. His ergo rationibus motus, si quis cognatæ causam deteriori judicaverit, illi ego, maxime si hæreditatem defuncta nondum adiit, non multum refragabor, quamquam alienum in hac quæstione iudicium sequi, quam meo uti malo, cum nec adductis argumentis ubique locus detur, nec desit cognatæ, quod & ipsa alleget. Pro illa enim militat, quod res, de quibus quæritur, si jam in defunctæ venissent potestatem, sine dubio ad ipsam transirentur essent. Unde per ea, quæ §. 18. adduximus, nec aliud de jure, quod circa illas mortua reliquit, dicendum videtur. Quæ ratio tum maxime favorem merebitur, cum foemina Lipsiensis, cui delata est masculi hæreditas, ipsa dictas res, mortuo forte marito, ad Geradam, quam nostro statuto præcipuam habet, relatas, adeoque odioso collationis oneri subtractas cupit. Sed hæc, ut dixi, aliorum decisioni relinquo.

An geradicum sit,

Dubitatur.

## XX.

Pergo ad *conditionale rei geradilis debitum*, quod, quia conditio suspendit saltem, non alterat, contractum ad geradam referendum, nisi fortè conditionis impletio in hæredis potestate sita sit; non cognatæ. Cum enim illa Geradam non nisi cum onere, quod eidem cohæret,

Limit II in debito conditionali, cum solus hæres conditionem implere potest.

Limie III. in  
alternativo,  
cujus eventus  
expectandus.

Quid si optio-  
nem habuerit  
defuncta.

lucretur, sequitur, annulo, verbi causà, non aliter, quàm si locatarum ædium usus eadem mercede ad longius tempus concedatur, debito, ad hæredem, quem conditionis premit incommodum, promissionis etiam commodum pertinere. *l. 10. ff. d. R. J. j. a. l. 13. §. 1. ff. commodat.* Denique *obligationis alternativæ* eventum expectandum dixerim, ut, promissis certi pretii supellestilibus, si debitor rem geradicam dare elegerit, illa cognatæ cedat, hæredibus contrà cupientibus, si oblati alterius generis utensilibus v. g. poculo, ipse se liberare præoptaverit. *c. 70. d. R. J. in 6.* Sed quid si defunctæ creditricis fuerit optio? Tum, utrum ad hæreditatem, an Geradam potius, actio referri debeat, non liquere ingenuè fateor. Itaque aut divisioni locum faciam, aut sorti, nisi debitor jam vel ab hærede, vel à cognata, petito, quia in causâ omninò pari melior esse debet possidentis conditio. *a. l. 4. ff. d. in rem verso.* vigilantibus autem, qui alterius jus bona fide ignorabat, aut cui eum, qui concurrere poterat in optioe, præveniendi consilium priori placuit. *a. l. 16. ff. d. Duob. reis.* Sed his diutius immorari non lubet.

X XI.

Ampliatio I.  
ad non pos-  
sessa.

Ex hætenus dictis jam facillè colligitur, cur in tradendis rerum geradicarum proprietatibus sicco, quod ajunt, pede *possessionem* præterierimus, ad quam tamen vulgo potissimum provocari concedimus, probè gnari, illam plerisque causam Geradæ proximam appellari. *vid. GOLDB. c. 3. n. 13. & qui eum sequitur CARPZ. P. 2. C. 14. d. 25.* Nempe possessione ad hoc, ut res aliqua Geradæ jure censeatur, regulariter opus esse planè negamus, nec muliebri privilegium ad illa etiam proferre ambigimus,

mus, quorum possessionem foemina aut nunquam adepta est, aut acceptam iterum amisit. scil. debitum rei geradilis ad Geradam referri §. 18. ex ipso *CARPZ.* ostendimus. Vel nondum apprehensa.

Qui ergo dubitemus, quin eadem, masculi legato foeminae relicta, huc pertineat, cum legataria jam non jus ad rem, sed quod majus est, ipsum rei dominium consecuta fuerit. *a. l. 64. ff. d. furt. l. 3. §. f. C. Comm. d. Legat. l. 8. ff. d. legat. 2. j. CARPZ. P. 3. C. 13. d. 30.* possessione licet nondum apprehensa.

Quod si corpus Geradicum deperditum, Vel amissa possessione. aut à fure ablatum fuerit, aut alia ratione, salvo foeminae dominio, in manus alienas pervenerit, certe quidem mutata possessio jus non murabit, sed integrum, ut ante fuit,

jus ad recuperandam possessionem potius sufficiet, adeoque & rei vindicatio & conditio furtiva &c. Geradæ inerunt. Quare quæ possessioni in hoc negotio, verbis interdum nimis generalibus, tribuitur virtus, ad eas tantum res geradicas restringi debet, quæ à Viri o profectæ, tacita ejus donatione ad uxorem perveniunt. *conf. MULLER. ad Struv. Ex. 30. lb. 31. l. 5. n. 11.* Siquidem harum præsumtum dominium; quod juris geradici in his origo est, sine possessione nec acquirit uxor, nec retinet, prout & nostradidimus supr. §. 17. Quæ si quis ad alias, quàm quæ in matrimonio sunt, foeminas, aut corpora à maritis hæc comparenta, applicuerit, is quidem admodum à vero aberrabit. Nam, ut reliqua taceam, geradica ab uxore profectæ, non obstante expressâ donatione, qua virum honorare thori socia non licet, *P. 2. C. El. 13. & 14.* viduus cognatæ restituere tenetur *GOLDB. c. 3. n. 20.* tantum abest, ut per solius possessionis translationem, amissa geradæ indole, ad maritum transire possint, quod tamen iis, quæ viri

Non nisi circa res à marito profectas necessaria.

viri liberalitate ad nuptam pervenerant, contingere, eodem ipso teste, ibidem evicimus.

XXII.

Ampl. II. Restat ut, quorsum *rei geradica fructus & accessiones* referri debeant, paucis investigemus. *Accessiones* igitur, cum rei, cui cohærent, naturam sequantur. *a. l. 23. §. 4. ff. d. B. V.* ejusdemque domino acquisitæ censeantur. *HILBER. in Præf. ad π. L. 41. t. 1. pos. 9.* geradicas merito dixeris. *vid. GOLDB. c. 4. n. 24. seqq. FR. PFEIL. Cent. 1. Conf. 90. n. 8.* quæ ratio est, cur, cum seras, nec lex ulla nec Auctor, Geradæ annumeret, quæcunque tamen cistis aut scriniis huc pertinentibus junguntur, una cum clavibus viduæ cognatæve cedant. Quod de *actionibus* etiam *geradicis* accipi velim, ut, cum debitor ultra simplum, veluti depositum mundi miserabile inficiatus, vel quanti plurimi condemnandus est, nihil juris in id augmentum hæredi competat. Aliud tamen dicendum, si actio occasione saltem rei geradicæ nasci queat, quæ rem ipsam plane non persequitur, veluti furti, quam potius hæreditariam judicaverim. De *fructibus* nunc distinctè agendum. Nam pendentes quidem ipsius rei pars videntur. *l. 44. ff. d. R. V.* adeoque, sive ipsi naturaliter cohæreant, velut anseribus plumæ, ovibus lana, aut foetus utero clausus, sive juris intellectu unum quodammodo corpus cum ipsa constituere credantur, ut hædi qui lactantur *a. §. 19. I. d. R. D. vid. l. 20. ff. d. auro & arg. leg. MOD. PIST. qu. 21. BEUST. d. Matrim. c. 71. v. tamen Addit. Spec. Sax. L. 1. a. 20. L. s. accessionum*, de quibus modo diximus, numero sunt. Quare cum Gerada talis debeatur, qualis moriente marito aut cognata fuit, per *Text. LandN. l. 1. art. 20. j. l. 3. LandN.*

Ampl. II.

Ad accessiones

Etiam actionum.

Et fructus naturales pendentes.



**LandM. art. 76.** dictos fructus, si eo tempore separati haud fuerint, frustra hæres petet. *dd. Textibus j. Weichbild. art. 24. §. 36. I. d. R. D. j. l. 13. ff. quibus mod. Ususfr. HART. PIST. l. 1. qu. 34. COLER. Dec. 60. n. 26.* conferri meretur **CARPZ. l. 2. C. 14. d. 23.** quem, cum Geradæ, tanquam universitati, etiam fructus inesse paulo generatius tradit. *n. 8.* saltem de naturalibus pendentibus intelligi & substrata, quam ibi evolvit, materia, nec non quam ipse in suam sententiam excitavit, mox alleganda *l. 2. C. d. hered. petit.* postulat.

•  
Carpzovius  
explicatus.

### X XIII.

Neque enim Geradæ jure censentur reliqui *fructus*, sive *naturales* separati, sive *civiles*. Ex quibus, quia universitas ab eo demum tempore augetur, quo peti potest. *d. l. 2. C. d. hered. petit.* sequitur ad hæredes pertinere, quicquid ex anseribus anatibusque vel ovorum natum vel pullo- rum exclusum est intra diem trigessimum à morte personæ defunctæ computandum, cum Geradatum demum debeatur, **LandM. l. 1. art. 22.** impensæque in eam faciendæ hæredem interim premant, *a. l. 62. ff. d. R. 7.* quare etiam emolumentum inde natum ad eundem pervenire æquissimum. Nec magis ad Geradam pertinent *fructus civiles currentes*, veluti mercedes lectorum aliusve corporis geradici locati. Eos igitur pro rata temporis, ad trigessimum usque elapsi, cum hæredibus dividere cognata jubebitur. *vid. P. 3. C. El. 26.* Vidua verò, cum maritus tanquam usufructuarius illos percipiendo suos non fecerit, quatenus eorum dies nondum venit, toris quidem fruetur; attamen illa portio, quam hæredibus cognata relinqueret, non tanquam geradica, sed jure consolidati

Separati & Ci-  
viles Geradæ  
non insunt.

Ne quidem  
currentes.

E cum

cum proprietate ususfructus, adeoque ut accessio proprietatis ad ipsam revertitur. Pariter cognata ratam fructuum, quæ ipsi debetur, non ut rem geradicam, sed vi dominii, in quod circa rem fructum ferentem ipsi delata successio, consequitur.

XXIV.

De rei geradicæ interitu.

1) per destructionem.

2) Si geradilis esse desinat. Mutato jure.

Hactenus igitur, quæ rem geradicam constituunt, indagavimus. Jam, quæ eandem destruant, paucis adjiciemus. Desinit ergo aliquid ad Geradam referri tribus modis, vel cum esse desinit, vel cum rei geradilis naturam amittit, vel cum, salvâ substantia, jure saltem rei geradicæ excidit. Initio igitur, si rem ipsam prorsus destrui contigerit, frustranea erit de ejus jure quæstio, maximè cum Geradæ consumptæ ne quidem æstimatio ipsi viduæ debeatur. *GOLDBECK. c. 5. m. 2. n. 49. c. 15. n. 109. 110. conf. de dñis nuptialibus Decis. Elect. 51.* Deinde Geradæ jus perit, cum *res specierum geradilium numero esse desinit*, quod contingit, si domina, mutato domicilio, in eum locum se contulerit, ubi aut nullum Geradæ jus viget. *conf. MOLLER. Semestr. l. 1. c. 11. RICHTER. d. success. ab intest. sect. 1. membr. 1. n. 62. in f.* (ubi præjudicium J. Ct. Jenensium refert, quod in toto Ducatu Vinariensi Jus Geradicum neque inter nobiles nec ignobiles obtineat,) aut corpus, quod pristinae habitationis moribus eò referebatur, hereditarium creditur. Tum enim Geradæ jus extinguitur, ut tamen ejusmodi rei à marito profectæ dominium conjugii salvum sit. *vid. tamen KNICHEN de Vestiturar. pactio. p. 2. c. 1. n. 155. sqq. & quæ habet FINCKELTHUS. O. 81. n. 45. sqq.* Semel enim ritè ipsi acquisita fuit, adeoque ejusdem manebit, quemadmodum vice

vice versa, ea, quæ maritus è bonis aut opera uxoris constante matrimonio jam lucratus erat, nemo ad illam reverti dixerit, et si ambo postmodum extra Saxoniam domicilium nacti, ubi eo jure viri non gaudent. *a. l. 85. §. 1. ff. d. R. J. HEROLD. Tr. de Jure Repræs. & transp. C. 8. Concl. p. n. 47. sqq.* Pariter Geradæ pars geradilis haud manet, si ipsius *speciei alteratio* intercesserit. Veluti re ita *deformata*, ut, quæ supersunt, rudera usibus geradicis amplius haud inserviant, neque enim Geradæ insunt *frustula argentea, Bruch-Silber*. Idem dicendum, cum *totum*, quod aggregatum Philosophi appellant, *in membra resolvitur*, quæ, quanquam singulis sua constat integritas, hæreditati tamen, nisi conjuncta fuerint, annumerari solent. Exemplum præbet *linea unionum aut coralliorum scissa*, cujus partes *unangereihete Perlen und Corallen* geradiles haud manent. *Conf. CARPZ. P. 2. C. El. 14. d. 45.* Similiter materia ad *pristinam ruditatem* reducta metalli loco habetur, non Geradæ. *conf. LandR. l. 1. a. 24. ibique Gl.* nisi constatio casu aut eo fine facta sit, ut aliud corpus geradile statim inde resurgeret; idem dicendum, si *species geradilis in aliam*, hoc privilegio haud fruentem, *transformetur Gl. in art. 24. LandR. l. 1. lit. q. j. Gloss. WEICHB. art. 23. n. 13. 14. 15. seqq. MOLLER Semestr. l. 2. c. 6. MOD. PIST. q. 21.* veluti cum ex candelabro poculum confectum est. *J. C. HEROLD. Tr. d. Jure transpos. & repræs. c. 5. l. 9. n. 57.*

Aut corpore.

Valdè deformato.  
Dissoluto.

Conflato.

Vel transformato.

XXV.

Denique, salva corporis substantiâ & forma, nec foro dominæ mutato *Gerada jus expirat*, si quicquam dematur ex his, quæ fufius hæctenus tractata in compendio exhibui-

3.) Extincto  
saltem jure rei  
Geradica.

hibuimus sup. §. 8. Hoc triplici potissimum ratione accidit, nempe si *res geradica* vel *immobilium numero esse* incipit, vel aut *servitium mutat aut dominam*. Ita *caldari-um*, hactenus locari solitum, si muro affigatur, nemo amplius ad Geradam referendum existimabit. vid. sup. §. 12. & *CARPZ. P. 3. C. 31. d. 6.* Nec minus illi *Gerada* portio- ni, quam, *mercis instar*, vendendam *taberna publica à mer- catrice inferri* contingit, muliebris beneficii jacturam im- minere ex iis patet, quæ supra §. 12. deduximus. Tan- dem etiam *alienatione Gerada* degenerat. *BERL. P. 3. C. 29. n. 100. DAN. MOLLER. P. 2. c. 13. sub fin.* saltem alie- nantis intuitu, ne quis eam ab alia fœmina acquiri, adeo- què nihilominus singulari mulierum jure censi posse, regerat. Quod quidem frustra nobis objiceretur, qui, cum corpus aliquod Geradicum esse, respectu Sejæ, nega- mus, veluti quando pignus à Creditricis Gerada excludi- mus, idem tamen ad Cajæ, veluti oppignorantis, hæredi- tatem cum cognatæ præjudicio relatum minimè cupi- mus. Cæterum nec metallum confectio- ni nec pecu- niam emtioni rerum geradicarum destinatam Geradæ ju- re haberi. *CARPZ. P. 3. C. 30. d. 15. conf. Pæsp. Scab. Lips. quod habet FINCKELTHUS. Obs. 81. n. 93.* nec pretium inde redactum in ejus locum succedere expeditum est. *a l. 48. §. 7. ff. d. furt. id. CARPZ. d. 13. MULLER. ad Struv. Ex. 30. 2b. 31. l. 1. n. III. MOD. PIST. P. 1. qu. 21. n. 5. sqq. FR. PFEIL. Cent. 1. Consil. 90. n. 9. sqq. j. Gloss. Weichb. art. 23. n. 13. sqq. conf. Resolut. Scab. Lips. de anno 1599. qu. 17. n. 11.* ubi generalia leguntur verba, Gerada non potest consistere in pecunia, cum consistat solum in rebus mun- dum & supellectilem muliebrem concernentibus.

## XXVI.

Jamque absolvimus, quæ Academicæ de rebus geradicis commentationi sufficere videbantur. Sed *coronis* deest. Eam igitur *de consuetudinum*, quas circa hoc bonorum genus sequimur, *æquitate* brevis contentio suppeditabit, cum & eo jure, tanquam à ratione minimè alieno, utamur, & sint qui illud quasi iniquissimum penitus eliminatum cupiant. Illi igitur non heri demum aut nudius tertius de morum in hoc argumento diversitate & incertitudine, fœcunda infinitarum litium ancipitiumque controversiarum matre, quærelas audiri cœpisse ajunt, sed majoribus jam nostris tristi experientia dudum comprobatum fuisse referunt, vetus ac nimis verum proverbium: *Sine Gerade macht viel ungerades.* Quod si quæ sint, quæ liquido definita esse negare non audent, ea nimium quantum à naturali ratione recedere autumant. Cui enim prudens videri posset consilium, cujus ope uxoribus, dum utensilium à marito professorum ipsas data proprietates, irritamentum subministraretur potentius, quam quod sexus, opibus & rebus inprimis ad pompam ornatumque facientibus corradendis per se satis deditus, superare valeat, quo, ad geradam immensum ad augendam, vel cum evidenti maritorum pernicie, abripiatur? De horum enim calamitate, quam non raro inde aut nasci constet, aut crescere, ipsas eò minus reddi sollicitas, quò magis impune pretiosissima luxuriæ instrumenta, quasi optimo jure debita, intemperantiæ præmia retinere mulieri eo ipso tempore liceat, quo viri, obarati creditores, de insigni facultatum suarum, jactura frustra conquærantur, aut angustum patrimonium, pro luculenta spe, sibi relictum

Coronis de Geradæ æquitate contentio

Iniquitatis accusatio. Ob incertitudinem & litium

Præjudicium mariti.

Ejusque creditorum.

Et hæredum. lictum hæredes ne quicquam indignentur. Itaque ad male parta potissimam Geradæ partem referunt, quam mirum non sit nihilo melius dilabi. Eam enim solam rationem præstare putant, ut omni colore carere dicendæ sint Saxonum consuetudines, quæ in hoc negotio & omnem ultimæ voluntatis, licet nihil magis mortalibus debeat, libertatem tollant, & alium proorsus ab intestato succedentium ordinem invexerint, quam quem naturalis ratio & verosimilis defunctorum voluntas admittere videatur. Neque enim minimam æquitatis speciem habere, quod moestissimo viduo ea addatur afflictio, ut, quia thori sociam inimica mors abstulit, defunctæ cognata etiã non exiguam partem rapiat eorum, quæ gravissimis sæpè impensis, ipse, ad necessitatem magis, quam usum, comparaverit. Nec minori injuria hodiè reliquos agræ ac civicae sortis mares affici contendunt; quanquam præfatos Saxones, quorum Heergewettam curta mulierum supellex, ut tunc erant tempora, nihil aut modicum pretio superavit, eadem benignitate excusandos fatentur, quæ nunc etiam equestri ordinis & illustribus in primis sœpè indulgendum sit, quibus parum verecundè invideri geradam concedunt, cujus jacturam scudorum, ad solos agnatos spectantium, lucra facile compensent. Nihil enim secius haruspice opus esse pergunt, si quærat, quomodo admisso facinore viri etiam ignobiles, utat reliqua bona æqualiter cum fororibus divisissent, à successione tamen Geradæ, pro ratione hodierni luxus sæpè pretiosissimæ arceri & remotissimæ quoque cognatæ postponi promeruerint. Illud vero plane non tolerandum ajunt, quod vel odiosissima aliàs fisci successio plus favoris sibi vindicet, quam

Ademtam testandi facultatem.

Et injuriam factam viduo.

Ac reliquis masculis.

Prælate forore.

Cognata remotiore.

Imo fisco,

quàm ipsi, quos naturæ simul & parentum commune votum primo loco vocet, filii legitimi, quibus à Geradâ excludendis sufficere putetur, ad nobiliorem sexum referri. Hæc & similia produci à nonnullis videas, qui egegrè se de RePubl. meritos existimant, si quam in Brunsvicensi & Lüneburgico, Guelferbytano item & Calenbergico nec non Vinariensi Ducatu haud secus, ac Northusæ, Sangerhusæ & in aliis quibusdam civitatibus contigisse gaudent, Geradæ abrogationem reliquis Legumlatoribus, exempli loco imitandam inculcaverint.

XXVII.

Verum enimverò nec ab altera parte rationibus, Equitatis vindiciæ. quas regerere liceat, destituitur *Geradici Juris vindex*, qui, quod & ab initio rectè introductum, & tot, non annorum, sed seculorum usu, comprobatum novit, temerè nec immutandum nec, iniquitatis arguendum existimabit. Nam Responsio ad objectionem de dubiis. morum quidem diversitas nullam, quoad ipsas singulorum locorum consuetudines incertitudinem arguere ipsi videbitur, sed iis saltem, qui illas ignorant, errandi præbere occasionem, quam sibi imputare, nescio an immeritò, jubebitur, quisquis è suæ civitatis vel provinciali lege intempeslivum de jure alterius municipii aut pagi judicium proferre festinat, antequam in pecularia illius statuta inquisiverit. Porro ut ex infelici, quod naturæ magis quàm fundi vitio subnascitur, lolio agrorum indolem metiri non solemus, ita nec Geradæ jus nostro suspectum reddit litium, quas aut judicum imperitia aut malitia Advocatorum, aut concertantium avaricia & pervicacia, hominum, non legum, nævi, gignere solent, nimium fecunda seges; quam & circa alia quam plurima Jurisprudentiæ capita, quo-

Et controversiis circa Geradam.

quorum tamen & usum unà cum frequenti abusu eradicandum nemo judicavit, indies incrementa capere cordatiores dolent. Uxorum vero in coemendis, quibus ad luxuriam abutantur, profusionem tantum quidem abest, ut quisquam approbaturus sit, ut potius sponte omnes laudaturi videantur legem, si qua foret, quæ, servata Gerada, illum ultra certum rerum numerum aut pretium excrescere, quæque modum definitum excedunt, muliebri privilegio, comprehendi vetaret; quemadmodum Heergewetta una tantum debetur, etsi plures viro acquisita fuere. Attamen cum nuptæ à maritis, quorum interest, ne ipsorum facultates, Gerada nimium auctâ, minuantur, intra limites contineri & possint facile & debeant: haud abs re quisquam patrium jus ab insectationibus liberare cupit; vitio vertendum legislatori negabit, quod prudentibus, quos ipsos sibi satis consulturos credibile est, prospicere superfederit; hominibus autem uxorio jugo colla spontè subjicientibus & vix viris, quos condigno maritellorum elogio Baldus exornat, debita vecordix præmia per ipsas, per quas peccant, conjuges dicam, an Dominas? exsolvi patiatur. At Creditorum, quos maritus habet, securitati satis jam actione Pauliana cautum crederet, si fraus fœminæ, Geradam ad illos circumveniendos cumulantis, intercesserit: sin minus; non apparere contendet, quamobrem deterioris ipsa conditionis esse debeat, quàm quivis alius, qui nominibus donatoris exstinguendis accepta impendere nullo jure cogitur; Quid enim, inquiet, si fœmina opulenta, quæ retentis immobilibus ex alia ditione in nostratis concesserat matrimonium, postquam diutissime secunda for-

Argumenta  
pro uxore.

Contra viri  
creditores.



fortuna utebatur, tandem, ob ædes exustas, prædia bellorum ruinis hostiumque exactionibus consumpta, aliasque, quibus patria brevi ante ejus obitum confictata est, calamitates minus reliquerit, quam solvendis ejus debitis sufficit? Tum verò ea, quæ maritus durante conjugio ex ejus bonis aut industriâ moribus nostris semel ritè sibi acquisiverat, creditoribus restitui debere vix quisquam censebit. Eodem ergò jure nostri judicio, quamvis superveniente viri inopia, quæcunque illius beneficio antea legitimè ad uxorem pervenerant, ipsa retinebit; creditores verò damnum inde in ipsos resultans, eo moderatius ferent, quo certius omnia, quæ è conjugis bonis vicissim percepta, marito supersunt, massam concursus augent, cui ipsa quoque Gerada cederet, si fœmina, cui separatam à viri rationibus mercaturam exerceri non difficulter supponimus, ipsa illis debuisset, & aliunde solvendo esse desisset. Jam illos, qui mortuo marito Geradam Vi- Et hæredes. duæ iniquissimè vindicari criminantur, iniquissimos hujus juris censores vocabit. Nam detrimentum quidem illatæ ab uxore Geradæ, si ea ab ipso marito &, quæ illi servit, familia utendo attrita aut consumpta fuerit, soli fœminæ nocere facile probabit. Quo posito vice versà argumentabitur, eidem optimo jure illius quoque cedere incrementum, fortè

F

à ma-

à marito profectum, quod & usum fructum bonorum uxoris, ac lucra ex ejus operis quæsitâ, successionemque in prædefunctæ mobilia, quibus omnibus vicissim maritus fruitur, vix ac ne vix quidem compenset, & collationis oneri in super obnoxium sit, si quicquam præterea vidua capere optaverit ex hæreditate mariti, etiam illus quem omnes suas fortunas, & quod Iro non decefferit pauperior, post Numinis providentiam soli conjugii debere constat. Postea testandi licentia, qua præfati Germani, antequam Italorum leges imitarentur, commodissimè penitus caruerunt, in bonis, quæ moribus nostris non defunctæ beneficio sed familiæ jure deferuntur, nihil opus esse tuebitur. Denique ut iis, quas contra successores moveri diximus, querelis satisfaciat, initio non esse dicet, quod ægrè ferat viduus, cujus pingua in facultates uxoris jura modò enumerata fuere, jacturam bonorum, quorum aut possessionem sibi reservare poterat, aut custodiam, non nisi aliâ lege conjugii concedere: quo facto nequicquam illa à cognata peterentur. Deinde civium filiabus quæ Geradam habent præcipuam, plura, quàm fratibus, ex parentum hæreditate obvenire haud equidem inficiabitur: ast illam inæqualitatem ratione

Cur testari non liceat.

Rationes adversus Viduum.

Et cognatos masculos pro sorore.

tur, feudis filios fororibus præferri, & ipforum institutioni itineribus, dignitatibus majores, quam requirunt filix, quarum tamen operis in gerenda rei familiaris cura magis parentes sublevantur, sumtus impendi illisque paternum patrimonium vehementer haud rarò frangi reget. His addet, quod & Clericis, qui Pontificum olim decretis parebant, salva sit Geradæ maternæ petitio, & seculo addicti pierisque eò pertinentibus commodè ut plurimum careant, donec matrimonio jungantur; quo inito sufficere putabit, quod circa ascendentium Geradam uxoribus, quarum bonis ipsi fruuntur, idem jus competat, quo ratione cognatarum sorores gaudent. Præterea, quantò facilius, quàm fœmina, masculus ipse sibi facultates acquirere possit cum aliis, quibus noster sexus pollet, non infimi momenti prærogativis allegabit. Hoc admisso porro non omnino ini- Et fisco. quum judicabit, masculini generis consanguineis etiam fisco præferri. Certè enim impensæ, quibus istos jurisdictionis fructus lex destinavit, communem salutem promovent, adeoque illarum collatio jure imperari subditis poterat. Quo onere cum hac ratione omnes leventur, parum justam censerebunt indignationem paucorum, quibus publicæ salutis ergo non tam auferri, quàm non acquiri, contingit captatum lucrum, quo & aliàs carerent, si, quod

quod plerumque fit, aliqua saltem cognata super-  
 stes fuisset. Tandem bonorum, de quibus agimus,  
 reservato usufructu, aut venditio, aut inter vivos  
 donatio licita est & quotidiana, ut vix erraveris, si,  
 quæ ita adempta non sunt, cognatæ aut magistratui  
 deferantur ex voto defunctæ: cujus voluntatæ quò  
 minus aliqua facultatum portio ad alios, quàm  
 proximos consanguineos, perveniat, Ge-  
 radæ ofores non intercedunt.

FINIS.

